

四庫全書

史部

欽定四庫全書

史部

江南通志卷八十五

詳校官給事中臣丁雲錦

檢討臣德生覆勘

總校官編修臣王燕緒

校對官助教臣羅萬選

膳錄監生臣李玠

欽定四庫全書

江南通志卷八十五

食貨志

積貯

文帝時賈誼上言積貯者天下之大命也苟粟多而財有餘何為而不成

漢書食貨志

鼂錯言務民於農桑薄賦斂廣畜積以實倉廩備水旱故民可得而食也又言粟者王者大用政之

本務使天下人人入粟於邊以受爵免罪不過三
歲塞下之粟必多於是帝從其言令民入粟邊

漢書

食貨志

武帝時都鄙倉庾盡滿太倉之粟陳陳相因充溢
露積於外

漢書食貨志

宣帝五鳳中耿壽昌白令邊郡皆築倉以穀賤時
增其價而糴以利農穀貴時減價而糴名曰常平
倉民便之

漢書食貨志

南北朝齊武帝永明中立常平倉市積為儲詔於揚

州

治建業

出錢千九百一十萬南徐州

治京口

二百萬

各於郡所市糴南荆河州

治壽春

二百萬市絲綿紋

錦布米大麥諸州不等均使臺傳並於所在市易

文獻通考

後魏明帝時徐揚內附收內兵資與人和糴積為邊

備

文獻通考

唐制凶荒有社倉賑給

唐書食貨志

太宗時准戴胄議自王公以下計墾田秋熟所在
為義倉其後洛相幽徐齊并秦蒲州又置常平倉
粟藏九年米藏五年下濕之地粟藏五年米藏三
年著為令

唐書食貨志

明皇開元七年荊揚等州并置常平倉

唐書

天寶八年義倉糧淮南道四百八十四萬八百七
十五石江南道六百七十三萬九千二百七十石
常平倉糧淮南道八萬一千一百五十二石江南

道無考

唐書

德宗時趙贊請於兩都江陵成都揚汴蘇洪置常平倉輕重本錢上至百萬緡下至十萬積米粟布帛絲麻貴則下價而出之賤則加倍而收之

唐書食貨志

宋太祖乾德初詔諸州於各縣置義倉

宋史食貨志

真宗景德三年詔江南淮南皆立常平倉每歲夏秋視市價量增以糴糶減價亦如之三年以上不

糴即回充糧廩易以新粟

宋史食貨志

仁宗景祐中淮南轉運副使吳遵路言本路丁口
百五十萬而常平錢粟纔四十餘萬歲饑不足以
救恤願自經畫為二百萬他無得移用許之

宋史
食貨

志

神宗熙寧間詔淮南常平司於麥熟州郡及時兌

糧

宋史

孝宗乾道間江南民艱食朱熹請於府得常平米

六百石賑貸夏受之於倉冬則計米加息以償自
後隨年斂散歲歉則捐其息之半大饑盡蠲之凡
十有四年得息米若干除以原數償府外見米三
千一百石造倉貯之名社倉焉自此不復收息每
石止收耗米三升鄉閭間雖遇凶年民不乏食淳
熙八年奏於朝請行於倉司

文獻
通考

附
朱熹社倉

記始予居建之崇安嘗以民饑請於郡守徐公嘉
得米六百斛以貸而因以為社倉今幾三十年
矣共積至五千斛而歲歉散之里中遂無凶年中
間蒙恩召對輒以上聞詔施行之而諸道莫有應

者獨闢帥趙公如愚使者宋公若水為能廣其法於數縣然亦不能逮也紹興五年春常州宜興大為高君商老實始為之於其縣善卷聞寶諸鄉凡為倉者十一合之為米二千五百餘斛擇邑之賢者承議郎趙君善石周君林承直郎周君世德以下二十餘人以典司之而以書來屬予記予心許之而未及為也會是歲浙西水旱常州民饑尤極流殍滿路顧宜興獨得下熟而貸之所及者尤有賴焉然予獨慮夫貸者之不能償而高君之惠將有所窮也明年春高君將受代以去乃復與趙周諸君皆以書來趣予文且言去歲之冬民負米以輸者緡屬爭先視貸籍無龠合之不入予於是並喜高君之惠將得久於其民又喜其民之信愛其上而不忍欺也則為記其所以然者抑又慮其久而不能無弊於其間也則又因而告之曰有治人無治法此雖老生之常談然其實不可易之至論

也夫先王之世使民三年耕者必有一年之蓄故積三十年則有十年之蓄而民不病於凶饑此可謂萬世之良法也其次則漢之所謂常平者今固行之其法亦未嘗不善也然考之於古則三登太平之世不常有而驗之於今則常平者獨其法今簿書堯鑰之僅存耳何也蓋無人以守之則法為徒法而不能以自行而況於所謂社倉者聚可食之物於鄉井荒闕之處而主之不以任職之吏馭之不以流徙之刑苟非常得聰明仁愛之令如高君又得忠信明察之士如今日之數公者相與并心一力以謹其出納而杜其姦欺則其法之難守不待他日而見之矣此又予之所身試者故並書之以告後之君子云

明洪武三年詔在京軍儲倉增設京畿漕運司官專

督其事 明典彙

洪熙元年諭戶部豫備倉儲比之前代常平最為良法宜徧行天下申明舊典勿事虛文 明典彙

宣德八年南直巡撫周忱奏定濟農倉法飭諸郡力行於是蘇州儲米六十餘萬石松常各郡次之令諸縣各廣濟衆倉擇縣官之廉公有威與民之賢者掌其籍司其出納遇災賑貸民不知饑 明典彙

附周忱折收本色疏畧

應天鎮江太平寧國諸府舊有石臼等湖其中

港溝歲辦魚課其外平圩淺灘聽民牧收孳畜採掘凌竊不得耕種是以每遇山溪泛漲水有所洩不為民患近者富豪之家築成圩田排遏湖水每遇水漲患即及民宜悉平之又各處被災恐預備倉儲賑濟不敷請以折銀糧稅悉徵本色於各倉收貯俟青黃不接之際出糶於民以所得銀物上納京庫則官稅不損民亦得濟

正統七年南京戶部侍郎張鳳言南京根本地不

可不素蓄下部議每歲分米二萬石命著為令

明典

彙

嘉靖四年廬州知府龍誥修蓋義倉置買義田行

賑糶賑貸賑濟之法又條積蓄便民八事覆准通行各府州縣隨宜酌處以備賑濟有成效者具奏

加陞如例

明典彙

九年題准嘉靖八年取到兩淮餘鹽銀十萬兩候秋成米價頗平分投委官召買運赴徐淮二倉交收

明會典

國朝順治十一年

詔各府州縣俱有預備常平倉及義倉社倉積貯備荒責

成該道員稽查舊積料理新儲每年二次造冊報部察積穀多寡分別議奏以定功罪

十二年題准各衙門自理贖鍰春夏積銀秋冬積穀悉入常平倉備賑置簿登報布政司彙報督撫歲底造報戶部如有假公濟私隱匿漏報者督撫查叅其鄉紳富民樂輸者地方官多方鼓勵勿勒定數勿使胥吏侵剋及加耗滋弊

十三年議准積穀賑濟務令修葺倉廩印烙倉斛

選擇倉書糶糶平價不許別項動支

十七年議准常平倉穀春夏出糶秋冬糶還平價
生息務期便民如遇凶荒即按數給散災戶貧民
飭有司實力奉行

康熙十八年題准地方官整理常平倉每歲秋收
勸諭官紳士民捐輸米穀照例議叙鄉村立社倉
鎮店立義倉捐輸積貯公舉本鄉敦重善良之人
管理出陳入新春月借貸秋冬償還每石取息一

斗歲底州縣將數目呈詳上司報部管倉人儲穀
多者題明給頂帶榮身有官吏掊剋者照侵欺錢
糧例處分有強派抑勒借端擾民者該督撫題叅
治罪

十九年覆准直省常平倉穀畱本城備賑義社倉

穀畱本村備賑永停協解外部

附

徐國相積穀救

荒疏

為積穀為救荒之要務官民有懼累之隱情仰祈

勅部永免撥解以鼓勵捐輸事竊惟水旱災傷乃盛世所
不免惟在救濟有方預備有素則小民雖遇荒歉

不致顛沛流離邇年以來江南等省災沴蹂躪民
生困苦屢屢

睿懷發

帑賑恤近經廷臣會議通行各省整理常平倉每
歲秋收之時勸諭官紳士民捐輸米穀其在鄉村
鎮店內令百姓自立社倉義倉勸諭收貯等因奉
有

旨欽遵移咨到臣仰見
皇上軫恤民生預籌備荒至計臣隨經轉行司道並有司

各官實力舉行勸諭官紳士民捐輸收貯統俟年
終將捐積數目照例造冊彙報外惟是臣屬常平
倉穀石自康熙七年撥解淮揚充賑之後舊積既
虛新捐無幾又緣鳳廬等府連年荒旱支用無存
臣奉

旨於所經過地方面問官紳士庶積穀乃救荒要著何
以平日不思預備以致凶年飢饉無以自濟咸
稱積穀原備本地凶荒前奉撥協外郡不惟本

地未獲實濟而搬運繁雜脚費不貲反受賠累之苦所以人皆畏縮捐貯寥寥等語臣隨諭前因淮揚異災不過一時權宜將來不復撥解勸令量力捐輸以備本地支用然在地方有此懼累隱情非

奉

天語申飭永遵恐蚩蚩之民猶有疑懼不前仰祈

皇上勅部嗣後常平積穀准留本地州縣備賑義倉社倉

捐穀各留本村鎮備賑永免撥解外屬恭候

命下之日臣大書榜示徧行曉諭將見鼓舞樂輸歲增月

集於以備凶荒而濟民艱利賴永永無既矣臣謹

具題伏乞

睿鑒施行

二十九年

諭常平倉不必撥給兵米 又

諭直省督撫嚴飭地方官吏家諭戶曉務使及時積貯度
終歲所食常有餘儲 又

諭江寧京口等處大兵駐防之地著將漕米各截留十萬
石建置倉廩以備積貯 又議准各省常平倉俱照直
隸分貯各州縣官有陞遷事故離任者照交
代收受正項錢糧例取具印結有短少者該督撫
題參照虧空正項錢糧處分

三十一年

諭積貯米穀最為要務今正值麥石收穫之時應行各該
地方官勸諭百姓令各戶量力捐輸積貯該州縣官將
輸納之人姓名數目詳記冊籍其秋禾收穫以後亦依
此例舉行如春月轉貸於乏穀之民俟秋月即照此數
償還備用每歲當收穫時遵行

三十四年題准江南捐積穀石以七分存倉備賑
以三分發糶秋收買穀還倉

三十五年覆准江南出糶舊穀於本年為始輪年

挨次出易 又覆准江南於各屬糶三銀內酌提
四萬石價銀解省俟秋成時收買新穀貯省以為
下年存七糶三之用

四十年題准截留楚省漕糧二十萬九千餘石存
於江寧省倉此項米內動六萬四千石充給兵食
將買兵米價值扣留動四萬五千石分發淮安等
處照時價糶賣俟秋成將糶賣米價並兵米扣留
價值照數買補還倉

四十一年

諭直隸各省州縣雖設有常平倉收貯米石遇饑荒之年不敷賑濟亦未可定應於各村莊設立社倉收貯米石直隸有滿洲莊頭可合數村立一社倉其管理社倉事宜令莊頭內有情願經營者交與收貯百姓村莊公設社倉百姓有情願經營者交與收貯以備饑荒傳諭直隸巡撫如設立社倉果有益於民生著各省亦照例於各村莊設立社倉收貯穀石大學士會同九卿詳議遵

旨議定設立社倉於本鄉捐出即貯本鄉令本鄉誠實之人經管上歲加謹收貯中歲糶借易新下歲量口發賑

四十三年議准各省府州縣積貯米穀大州縣存一萬石中州縣八千石小州縣六千石其餘按時價易銀解存藩庫其存倉米穀每年以三分之一出陳易新又覆准江南江寧所屬大州縣存貯米五千石中州縣四千石小州縣三千石其江寧

省倉捐米八百七十餘石久貯必致浥爛照常平
倉每年糶三秋成買補

四十八年覆准江浙二省蓋藏維艱各該有司勸
諭紳士人民於秋收時遵行捐輸之法積貯備荒
四十九年議准霉爛倉糧官員已經陞任應革職
留於新任限一年賠完之日開復

五十三年

諭江南曠旱將漕糧撥三十萬石江寧府十萬石蘇州府

八萬石淮安揚州五萬石杭州府五萬石河南開封府
二萬石著漕運總督親身閱兌速行運至令其加謹照
數收貯

六十年議准各省州縣現在存倉米麥穀石令該
督撫嚴查如有虧空者勒限補足務期實貯以備
賑濟倘有賑濟之時其存倉米穀虧空事發將有
司官員即行革職治罪暨不行稽查之上司一併
嚴加議處

雍正元年議准常平倉積貯米穀定例歲底各省督撫造冊奏銷如有虧空即行題叅今各省存倉米穀雖有知府司道盤查管理不能保其一無徇私當責之督撫核實嚴查造冊具奏督撫離任將冊籍交代新任限三個月查核具奏如有虧空即行題叅新任督撫不據實叅出後經發覺一併議處仍令分賠 又議准安徽壽州等州縣收成歉薄於安慶府留貯漕米十萬石內動米四萬石減

價平糴俟秋收買補還項分貯鳳陽二萬石廬州府一萬石其餘一萬石仍運安慶收貯 又覆准社倉之法原以勸善興仁該地方官務須開誠勸諭不得苛派以滋煩擾至收貯米石先於公所寺院收存俟息米已多成造倉廩收貯設立簿冊逐一登明其所捐之數不拘升斗積少成多若有奉公樂善捐至十石以上給以花紅三十石以上獎以扁額五十石以上遞加獎勵其有好善不倦年

久數多捐至三四百石者該督撫奏

聞給以八品頂帶其每社設正副社長擇端方立品家
道殷實者二人果能出納有法鄉里推服令按年
給獎如果十年無過該督撫題請給以八品頂帶
狗縱者即行革職侵蝕者按律治罪其收息之多
寡每石收息二斗小歉減息一半大歉全免其息
祇收本穀至十年後息已二倍於本祇以加一行
息其出入之斗斛照部頒斗斛公行酌量社長預

於四月上旬申報地方官依例給貸定日支散十
月上旬申報依例收納兩平較量不得抑勒多收
臨放時願借者先報社長州縣計口給發交納時
社長先行示期依限完納其冊籍之登記一社設
立用印官簿一樣二本一本社長收執一本繳州
縣存查登記數目毋得互異其存縣一本夏則五
月申繳至秋頒出冬則十月申繳至來春領出不
許遲延以滋弊竇每次事畢後社長本縣各將總

數申報上司如有地方官抑勒那借强行糶賣侵蝕等事許社長呈告上司據實題叅

三年

諭積貯倉糧特為備荒賑濟之用但南省地方甚屬潮濕米在倉一二年便致霉爛實難收貯改貯稻穀似可長久應否改貯稻穀收貯之處著詳議具奏遵

旨議定江安等省除安徽但有稻穀原無存貯米石無容改易江淮截漕米八萬餘石分作二年改換稻穀

令地方官添造倉廩以備收貯 又覆准江安等
省所存米石俟改穀既完之後每年額徵應給兵
糧仍收米石餘悉改徵稻穀各省均照此例其有
虧空倉米者亦令悉以稻穀追補還項凡有需用
挨年先碾舊穀支給倘需用米多一時礱碾不及
應給米一石者給穀二石

四年題淮安屬各府州縣雍正三年所存捐穀十
萬石有奇內除太泗盱三州縣上年被災賑濟穀

六萬九千餘石僅存三萬餘石將春撥冊內酌留
雍正三年地丁銀十萬兩於秋收分發各屬採買
貯倉 又兩淮衆商公捐銀二十四萬兩又備鹽
院公務銀八萬兩奉

旨以二萬兩給賞兩淮御史以三十萬兩為江南買貯米
穀蓋造倉廩之用所蓋倉廩賜名鹽義倉即着兩淮御
史交與商人經理遵

旨議定於揚州府治建倉積貯每年於青黃不接之時照

存七糴三之例出陳易新或於米貴之時開倉平糴總至秋成糴補倘地方有賑濟之用各該撫一面具題一面動支管理之商人將出易糴補動支之數呈報巡鹽御史該御史核實奏報其出陳易新平糴平糴之內或有贏餘即以增買米穀 又

諭今歲江南地方秋雨稍多其江安所屬被水之州縣已令該督撫轉飭有司確查賑恤務使小民得所但聞入冬以後時有陰雨積水未消秋麥未能及時耕種恐交

春米價漸昂而青黃不接之時更須為籌及况蘇松戶口繁多民間食米多取給於外販尤當早為留意查江安糧道有存貯還漕一項約計二萬八千餘石安慶廬州淮安鳳陽四府各有分貯存留之項共計九萬餘石此米原為地方備用而設但恐年月已久未必實貯在倉應差京官一員前往確查並會同江南督撫作何分別留運平糶之法以濟民食但江南地廣人稠恐需米之處此數未必敷用必設法多貯方覺寬裕其應作何

採買運送備用之處着九卿速議具奏遵

旨議定江南地廣人稠需用米穀倍於他省動帑買運以濟民食恐稽時日暫照河工議叙貢監之例將銀兩改為本色米穀每銀一兩收米一石或穀二石鄰省之人亦准捐輸不論稜舛紅白兼收行文江南總督蘇州安慶巡撫一面動支正項錢糧委員於出產米石地方照依時價採買運送其採買若干運貯何地之處該督撫公同商酌妥議具奏一

面行文鄰省並出示曉諭本省才俊令其急公赴
輸且分別府州縣之大小酌量應輸米穀之多寡
俟各該處應貯米穀捐足之日即行停止其所收
米穀加謹存貯按季造冊報部如有私自收取折
銀並勒索包攬情弊即行指名題叅從重治罪此
所貯米穀有應用平糶賑散出借之處該督撫一
面具題一面即行動支將動用數目報部查核
又覆准蘇松常三府買穀八萬石收貯

九年六月淮安慶巡撫程元章酌議平糶還倉新

舊交代例

附

程元章疏畧

存貯倉穀歷年久遠必有沓爛每歲當春月青

黃不接之時存七糶三銀貯府庫秋收買補還倉三年之間將存貯穀石徹底換新既有濟於民生且有益於倉儲洵為經久無弊之道且春月價必少昂秋收買補有多餘之穀另倉存貯聽撥公用查上江數年以來各州縣並未平糶直至新舊交代之際盤量折耗民不受平糶之益官徒受賠累之苦穀不能出陳易新一旦撥賑亦無好穀官民俱為未便揆厥所由皆以糶賣之後交代推諉每致掣肘所以寧使其沓爛參賠而必不敢以言平糶也臣思倉穀交代原應實貯在倉春糶必須扶糶請以十月間倉收漕為期如十月十五日以前接印交代所存穀價責令新官買補還倉十月十

五日以後接印交代所存穀價仍令舊官買補還
倉按時定議舊官必及時買補不敢延挨新官必
按時接買無敢勒措如此則新舊
官俱無掣肘而民受平糶之益矣

江南通志卷八十五

欽定四庫全書

江南通志卷八十六

食貨志

物產

通省所同者列於前其專產之物與雖同有而其產尤佳者於各郡縣下條注之

穀之品曰麥曰稻曰菽麥之類曰小麥曰麴麥

即大

麥也曰菽麥稻之類曰秬曰糯曰晚秬之屬有早白

秬觀音秬銀條秬六月秬蘆桿秬等類糯之屬有

羊脂糯麻觔糯雀不知虎皮糯猪鬃糯光頭糯等

類晚之屬有紅芒白芒之不同菽之類曰大豆

青黃

黑其色三

曰萊豆曰赤豆曰豌豆曰蠶豆曰扁豆又有

長而架生者曰刀豆曰豇豆洲渚野生者曰魯豆

黍之屬二有黑黍有赤黍稷之屬曰小米麻之屬

曰胡麻

有黑白二種以色黑者為佳即芝麻

蔬之品曰菰曰筍曰芥曰芹芹有二曰青芹曰白

芹曰韭

以春初為勝

曰葱曰蒜曰薑曰莧曰茄曰薺曰

菌

有五色或微毒食宜慎

曰萵苣曰蘿蔔野生者曰漚藍瓜

之屬曰王瓜曰絲瓜曰西瓜曰甜瓜曰苦瓜曰冬瓜曰北瓜其生於水者曰茭瓜曰茭菜曰蒲菜味

甜而膩粉者曰薯蕷

一名山藥

曰芋

大者為芋頭即蹲鴟也

果之品曰桃曰李曰杏曰梅曰棗曰柿曰榴曰橙曰橘曰梨曰香櫟曰木瓜曰櫨子曰林檎曰櫻桃曰胡桃曰栗曰蓮曰藕曰菱曰芡曰芡曰鳧茨曰落花生曰甘蔗

服用之屬有紗有紬有緞

絲皆外省出織工江寧稱善

有棉布

有絹有麻有葛布有土布有絲綿有土紬有攢紬

合絲為縷尤堅而可久

有羽扇有折紙扇有竹絲器有螺蚶

漆器

木之屬曰柏曰松曰檜曰桑曰柘曰楮曰榆曰槿
曰槐曰檀曰椿曰樗曰楸曰棟曰梧桐曰楊曰柳
曰冬青曰石楠曰烏桕曰皂莢曰合歡曰楓香曰
杉曰梓曰椶曰黃楊

竹之屬曰筍竹曰淡竹曰燕竹曰水竹曰牙竹曰

斑竹曰紫竹曰木竹

其質厚味辣
又名剛竹

曰鳳尾竹曰慈

孝竹

二者尤細
密可愛

草之屬曰芭蕉曰雁來紅曰映山紅曰藍曰莎曰
苔曰鳳尾曰翠雲曰吉祥曰萬年青曰虎耳曰蓼
曰蘋曰苻

花之品曰梅梅有三曰玉蝶曰綠萼曰硃砂以綠

萼者為勝曰桃曰李曰杏曰梨曰夾竹桃曰玉芙

蓉曰木筆

即辛夷

曰玉蘭海棠有四曰西府曰垂絲

曰貼梗曰毛葉外此草本則秋海棠也曰紫薇曰
薔薇曰桂曰丹桂曰芍藥曰牡丹曰蘭曰蕙曰菊
曰水仙曰罌粟曰鷄冠曰千葉蓮曰錦邊蓮曰虞
美人曰杜鵑曰碧桃曰山茶曰海桐曰蠟梅曰繡
毬曰荼蘼曰梔子曰榴曰茉莉曰鳳仙曰玉簪曰
剪春羅曰剪秋紗曰棣棠曰萱

藥之品曰桔梗曰蒼朮曰白朮曰茯苓曰枸杞曰
遠志曰白頭翁曰何首烏曰升麻曰防風曰細辛

曰烏頭曰山慈姑

一名金燈花冬月生葉如水仙而狹

曰龍膽草曰

杜蘅

一名馬蹄香

曰鬼督郵

一名獨搖無風自動

曰芎藭

即川芎也葉似

芹

曰孩兒菊

一名澤蘭

曰香薷曰薄荷曰蘇曰艾曰青

蒿曰夏枯草曰稀簽曰木賊曰麥門冬曰天門冬

曰決明曰澤瀉曰藍澱

澱即靛也

曰蓼曰蓖麻曰半夏

曰兔絲曰枯葦其根為天花粉曰葛根曰茜草曰

絡石曰木蓮曰旱蓮草曰忍冬曰菖蒲曰苦參曰

香附曰茵陳曰車前曰百部曰商陸曰芫花曰南

燭曰蒼耳曰蒲公英曰鴨跖草曰旋覆花曰天名
精曰益母草曰土貝母曰土牛膝曰尋骨風曰棋
盤草曰紫花地丁曰禹餘糧曰石腦曰金櫻子曰
元胡索曰歲蕤曰黃柏曰土大黃

禽之屬曰鵝曰鴨曰鷄曰烏曰鵲曰鴉曰雀曰鶻
鶻曰鳩曰鷹曰鵂曰魚虎曰鳧曰雉曰鴿曰鷓鴣
獸之屬曰牛曰羊曰猪曰犬曰驢曰騾曰貓曰兔
曰獾

鱗介之屬曰魴曰鯉曰鯽曰鱸曰鰠曰鰾即鯉也曰

鰾出揚子江初夏郭公鳥鳴時有之曰刀鯢曰河豚曰鰻曰比目

曰鰕曰鰻曰鰾其介屬曰螺曰蚌曰蚌曰龜曰鼈
曰蛤蜊曰蜆

虫之屬曰蟬曰蜂曰蝶曰蟻曰蛇曰螢曰蟋蟀即促

織曰蜻蛉曰螳螂曰絡緯曰蜘蛛曰蠅曰蛙曰蚊

曰蝎虎即守宮曰蚓曰蝸牛曰蜈蚣曰蚱蜢

江寧府

觀音私

出江寧縣之金牛洞

姚棗

出上元姚坊門長大而甘脆

木瓜

出上元攝山

玄武湖藕

甘嫩無渣滓

玄武湖菱

入口如冰雪自化皆出上元縣太平門外

櫻桃

江寧靈谷寺者佳

銀杏

出江寧之天闕山

鮓魚

出揚子江心上江二邑同

折紙扇

出江寧城中者四方稱最

茶

江寧天闕山茶香色俱絕城內清涼山茶上元東鄉攝山茶味皆香甘

雨花臺石

出江寧聚寶山

茅山石

出句容茅山

蒼朮

出句容茅山

黃連香

出句容茅山

赭石

出六合冶山供繪事

黃精

出句容茅山

浮石

出六合冶山通體虛靈入水不沒

靈巖石

文理精奇天然異彩出六合靈巖山
君弼夏日答朱憲昌山人以錦石見貽詩

有云開門或枉故人書貽我錦石五色舒貯之磁盤白盈尺旋汲清泉助生魄翠比結綠紅韎鞞紋如指螺瑩無跡娟娟含姿闔水晶粼粼照案吹寒碧

慈石

出六合冶山取鐵如慈母招子故名

石墨

出句容茅山

芝草

芝有八品曰龍芝燕胎芝洞草芝菰玉芝參成芝夜光芝琅葛芝螢火芝前志皆云出句容茅山然土人云芝靈物可遇而不可求

苧絲

文絹

羅

紗

貢緞

皆出江寧城中

雉

兔

俱出句容

璫璣

出溧水

羽扇

野鳧

鴛鴦

章雞 俱出高淳

浦酒 出江浦

瓢兒菜

出冬月者味甘美冠於他邑則味變而質粗矣

白芹

味清爽冬底春初尤為香嫩亦郡城之特產也士夫春讌皆以剪芹為名

大頭菜

芥之屬也其根大如蘿蔔以炒鹽茴香製之香脆異常惟上元江寧二邑有之四方

用相饒遺

雪裡紅

亦芥屬也莖圓葉微小於芥醃為冬菜味辛香爽人心脾惟郡城多出焉

箭桿白菜

菰之屬也取其中心嫩芽以為羹味甘美絕倫其外大莖葉以鹽醃之可以禦

冬正月食之尤香脆吳下謂之歲菜然不若江寧郡城者之佳也

竹 竹類不一郡邑皆有

蘿蔔 有紅白二種各郡皆產惟江寧郡城出者肥碩嫩脆味爽

蘇州府

紅蓮稻

芒紅粒大有早晚二種唐陸龜蒙詩近炊青稻識紅蓮

檀邱米

出吳江粒圓而大

矮糯

一名矮兒糯粒白而大

雲南豆

似稿豆大而長紅色可愛

金釵糯

粒長唐劉夢得句酒法得傳吳米好

萼菜

味滑出吳江亦稱萼線即張翰所思者吳中佳品

臺菜

冬種春生臺

韭

冬末春初卷茁者名韭芽產崑山者為勝

百葉緗梅

花葉至二十餘瓣差小而蕊極繁密

江梅

花疎瘦而早開

官城梅

花數朶而遲光福鄧尉山香雪萬重幾三十里洞庭長坂亦最盛焉

海棠

常熟文村有樹高二丈餘幹盈抱花最艷云種出海東

甘菊花

出蘇郡學園者尤良

丁香

有紫白二種

矮桃

出長洲最高者一二尺結實約重六七兩深秋方成熟其味甘美異常桃

消梅

其實鬆脆為梅中之最上品出吳縣

水蜜桃

近出吳縣南園漿液香甜不讓綏寧

櫻桃

即舍桃出常熟者更佳白居易詩云舍桃最說出東吳香色鮮濃氣味殊

枇杷

出洞庭東山者名白沙味大甘初接則核小再接則無核

楊梅

吳中名品味配閩之荔枝出光福銅坑者第一出聚塢者次之

綠橘

出洞庭兩山大而深綠色未霜臍間一點先黃者佳

真柑 出洞庭而品特高其木畏霜雪

金柑 常熟沙頭稱最

金竹 色如燕栗蔣堂詩云百鎰先寒一徑深潛移造化鑄成金

芋薺 即鳧茨出元和華林村者色紅味美不耐久出吳江陳灣村者色黑帶泥可致遠

蘭花筍 吳林云岳園泥黑色產筍肥大香似幽蘭

方竹 吳中佳植可以為杖

木瓜 產洞庭山者清香可玩

香櫟 蘇郡產比他郡為多

薄荷 府學前南園者名龍腦薄荷

紫蘇 出府學前其葉背面皆紫

鱸魚 巨口細鱗出吳江長橋南者佳

鯿魚 出太湖多子

銀魚 出鶯脰湖者眼圍金色土人多鱗以致遠

鱠殘魚 出太湖

鰕魚 狀似鱸

燈草 出郭巷者佳

太湖石 出洞庭西山水底者佳

護村石

出靈巖山可為硯

堯峯石

天然蒼翠

錦

蘇錦各種五色炫耀

紵絲

出郡城

羅

紗

綾

絹

線紬

綿紬

紋紬

春紬

捺紬

飛花布

縑絲布

斜紋布

麻布

草布

以上皆出蘇郡吳中以蠶桑紡績為工故布帛之屬衣被四方

堆紗

繡絨

刻絲

三種皆吳中名品

蓆

出虎邱者佳次出許墅

蓆草

出吳江平望震澤

花箋

出郡城

香爐銅器

出郡城

竹筴

藤枕

木梳

斑竹器

俱出虎邱

崑刀

出崑山

芡實

俗名雞豆出吳江者殼薄而糯出元和車坊者次之有粳糯之分

腐乳

蘇郡名品

茶

出虎邱金粟房其色白香如幽蘭採於穀雨前為雨前茶天池伏龍俱佳此為最又洞庭兩山亦出佳茗

松江府

香粳

七月熟米粒小而性柔類糯有紅芒白芒二種

箭子稻

粒長而細色白味甘香稻之上品九月熟

金釵糯

米粒長最宜釀得酒倍多三月種七月熟

寒豆

宋楊萬里詩云翠英中排淺碧珠甘欺崖蜜
輒欺酥即蠶豆

蓴菜

出華亭谷及松江甘滑宜芼羹葉似露葵四
月生名雉尾蓴最肥美宋楊萬里詩鮫人

直下白龍潭割得龍公滑碧髯晚起相傳蓋珠殿
夜來失却水晶簾一杯淡煮宜醖酒十里何須更
下鹽可是士衡殺風景却將羶臠比清纖

蘭笋山笋

本出余山

因其笋味如蘭
特賜佳名

蘭笋山茶

色淡而味清芬亦絕品也

水蜜桃

出上海顧氏露香園在金桃李光桃雷震
紅諸種之上

梅皮

出青浦削青梅皮以蜜製之味殊甘脆

黃金間碧玉竹

上海所產

五茄皮

出郡中每歲春時鄉人採其嫩芽焙乾以饒京洛

顧繡

上海顧氏露香園所製

烏絲絹

出郡城光細滑澤望之如水

絹箋

出郡城光澤精美四方書畫家多寶貴之

談箋

有數種惟玉版玉蘭鏡面宮箋甲於天下

金魚

出上海者佳好事者畜之為玩

鶴

華亭鶴窠村所出為得地其實自海東來馴養久乃生雛以足有龜紋者貴今無

黃雀

每歲秋時山蕩北鄉有之吳地記謂小魚長五寸秋社化為黃雀味腴美

鱸魚

生松江出長橋南者四鰓在諸魚之上橋北者止三鰓味亦不及

蟹

出三泖者大謂之泖蟹出上橫涇者小謂之金錢蟹今惟出潘蕩者美大

銀魚

出泖西者最細而肥美

鯧魚

身廣頭銳細鱗脆骨

鮓魚

出海中鄉俗以夏至後半月為三時魚盛於四月取迎時之義銀鱗不燦厥味鍾焉

黃魚

即石首魚每初夏海濱網取以冰載之謂之冰鮮

梅魚

似石首魚不盈五寸青鰕大如掌俗稱對鰕

淡菜

生海濱

吐鐵

生海濱沙上

蝟蚌

生海邊泥穴中

剪絨花毯

花樣異巧有廣至數丈者

沙裡鉤

生海墘沙中鉤取乃得故名漬以甘釀殼軟而味腴吳中珍品

木棉

古名吉貝宋時始傳其種於烏泥湮今沿海高鄉皆種之

布

松郡邑皆能織出沙岡車墩者幅闊三尺餘紫細若紬東門外雙廟橋有丁氏者彈棉純熟花

皆飛起收以織布尤為精輒號丁娘子布一名飛花布又有斜紋布

綾一名紵絲綾惟松江有之

鹽 出下沙青村等場所謂吳鹽也色白如雪

酒

顧志云雪香酒味香冽而色白松酒之最佳者俗以九月初製新酒名開清其品短水為上九

峯酒次之清酒又次之夏月則用白酒其佳者曰
靠壁清上海有清酒曰燒酒十月造至夏始開泖
濱近有劉氏者汲泖水做三白法釀酒味亦甘冽
號劉酒

常州府

香珠稻

紅蓮稻

俱出武進

秈米

出武進歲以二十石充貢

白果豆

武進所產異於常豆

燕笋

出江陰

毛笋

出宜興

芥茶

出宜興山谷者佳

竹菇

產宜興之南山者佳

西瓜

武進之奔牛無錫之五牧江陰之青陽皆佳

梨

武進之迎春鄉者為一郡之冠

桃

產武進之孟河靖江之諸沙者稱最

楊梅

出武進馬山者佳

菱

產武進之蘆墅

櫻桃

產江陰之青陽

何首烏

出宜興銅官者佳
斑竹多產江陰

牡丹

出虎涇口沙山者佳

棉花

各色皆產江陰尤多
黃麻

蓆草

俱產無錫

鶩鳬

產武進之太湖
漏湖者為多

黃雀

出武進之橫林
無錫之五牧者佳

山牛

出宜興諸山

野豬

出宜興諸山

蟹

產武進之芙蓉湖名玉爪者佳

河豚魚

出江陰食之有毒

東門闊布

出武進

子鱗

出靖江

料絲燈

武進獨擅其長

惠山泉酒

以水出惠山故名

砂壺

宜興之澄泥造作為最工

蒲扇蒲蓆

江陰者為佳

蒲涼鞋

宜興之陳橋尤著

芋艿

武進驛前無錫之蕩口與靖江三處皆極佳

鎮江府

黃粟

唐地理志潤州貢黃粟今無惟觀音私銀條私為佳

杜鵑

在鶴林寺高丈餘相傳唐貞元中有外國僧自天台鉢孟中以藥養根來種之

玉藥

在昭隱山唐人甚重玉藥故唐昌觀集賢院翰林院皆有之非凡品也今無

玉蘭

出馬跡山茶府觀其花表裏瑩白其香如蘭不根而植不落而花開時多於春暮遇者以

為瑞宋淳祐間忽開郡守李迪有詩見咸淳志陳補之有玉蘭詩二首見京口集

八仙花

狀如瓊花八蝶簇一心有簇聚如碧玉者曰玉蝴蝶

金沙

花萼有大小二種大者開遲而色鮮明小者開早而色殷重

文官花

鎮江范氏所植唐時惟學士院有之胡翰有贊

山木瓜

劉言史有王侍御莊看山木瓜詩

黃精

出茅山九蒸九曝服之可以延年駐顏前已載江寧以山與金壇接界也

南燭

其樹如木而葉似草其子如茱萸冬夏長青八九月熟酸美可食

偷蒼鳥

似雀而差小龍畜易馴雌雄遞放不失

零陵香

出丹陽郡古之蘭蕙也

鱖鯉

鮐魚

俱出大江

琴魚

背上有徽似琴出呂城

鵜鴒

即洶河出丹陽

鹿

兔

獐

金壇丹陽諸山谷中皆有之

黃金間碧玉竹

出金壇

酒

出金壇以米麴五茄皮酒為上近以于氏自釀酒為金壇第一

珍珠麴

出金壇

醋

金壇粳米釀者極佳

葛布

出金壇名馳天下

乳餅

金壇為佳

戈扇

出溧陽

岳刀

出溧陽

大紅緯出郡城色鮮艷奪目

淮安府

鹽

產於廟灣白駒劉莊伍祐新興板浦莞清臨洪興莊也徐清浦十場兩淮鹽賦所出

黃芽菜

安東有之北種也

黃薔薇

五色薔薇

皆出安東

酒

苦蒿金盤露珍珠五香藥酒惟苦蒿最美

菱

藕

芡實

淮上為多

雉

兔

白羊

野馬

舊出廬石山中以其性劣今不復取也

烏賊魚

其背骨即海螵蛸也

紫菜

靛

俱出鹽城安東山陽

蠟有黃白二種出山陽

蘇有苧白紫三種淮屬所出為多

木棉

曰紫曰吉貝產於淮南

鹽精石

淮上所產

鼓 淮鼓大小鞞法皆精

鏤金銅器 淮安鑒工藝為精

芸香 出淮安

蘆席 簞色工緻性柔

鑄鏡 淮鏡開明勝於湖鏡 鶴 出安東

鸛 天鷲

倉鷄 鵠

鴻鴈 鷓鴣

鷓鴣 凡七種以淮地多湖蕩時有至者名可載而非常產

蠶

淮地亦多畜之

汗衫

出鹽城

骨碎補

五茄皮

俱出山陽

海蜇

麴

俱出淮上

對鰕

出桃源

銀魚

鰕米

鹽

淮上諸邑所出為多

揚州府

黃稬米

烏節米

唐地理志揚州貢黃稬烏節

海陵紅 漢書揚州有桃花米即此

觀音白 近日揚州惟此種稱最

菰米 即菰蔣草也高竇興諸湖多有之秋生米名
雕胡杜甫有詩云波漂菰米沉雲黑是也

西瓜 產興化餘東者佳 櫻桃

林檎 梨

銀杏 四種以江都為佳

沙桃 出江都東沙諸處大如鶯卵味極美肉與核
離明朱曰藩詩云沙桃風味動江鄉每近

中元輒寄將供奉似君才不忝漢庭早晚識東方

芍藥

揚州號天下第一江都凡三十二種惟金帶團不易得宋有園在禪智寺前又有芍藥廳

其種最多

玉蘭

一名迎春花明歐大任王氏園觀玉蘭詩有云翠羽忽驚梅萼夢瓊花猶聽竹西歌

芙蓉

荷花

在處有之不若高郵邵伯諸湖最多

瑞香葵

有荆葵戎葵秋葵兔黃今人誤為葵菜

五茄皮

一名文章草今高郵以之造酒

象蘆竹

戴凱之竹譜有竹象蘆

湘妃竹

斑紋細秀可愛

海艾

本草出揚州

花鷄

似雀而小味極脆美

黃雀

出揚州者差大

鹽

出沿海諸場

鰾

泰興如臯出

硝

出泰興

鰕

蟹

揚號水鄉二者為多

酒

江都曰雪酒高郵曰皮酒

鰱魚

出大江

鰻魚

江都各邑皆出

蛇床子

通典揚州貢

土紬

出揚州高郵亦多

槐角子

出高郵三皇廟者佳

草布

亦名草葛出江都

絲綿

鹽魚

鹽蛋

鰕米

藕粉

俱出寶應高郵

徐州府

稻

稻乃他郡之常產惟徐地舊止種黍稷麥菽近間有種稻者止水旱二種故稻遂為特產蕭縣

白米山泉灌溉者尤佳可見人工足以興地利正不必使有曠土也

芝蔴

即胡麻也仙傳有胡麻飯

芹

有水旱二種徐地多旱芹俗名藥芹或云即窮

芋

一名土芝史記曰蹲鴟有水旱二種旱芋微辛不若水芋甘芋生應月數每魁有十二子遇閏

則黃一子民間收儲可以代糧凶歲尤宜多種蝗所經苗稼草根無遺獨不及芋故知芋足禦荒每芋一畝其入視五穀加倍近水者尤良

磨菇

州邑通產

山藥

一名薯蕷徐土所出味尤甘膩

百合

郡邑皆出

黃芽菜

與黃芽韭並碭山者佳

桃 豐縣桃實大而味甘

杏 以接梅者曰梅杏味尤佳

梨 蕭縣梨曰兔頭燕頂者甘脆尤異

棗 蕭縣天門寺出天棗形小色紅味美

沙果 郡邑通產

蘋果 俗名蘋果徐地產者極佳

茵陳 蒿類經冬不死因舊苗而生故名茵陳

枸杞 郡邑通產子苗根皆大補益

鬼箭草 入藥可治疫郡邑通產

牡丹

徐地近豫省種類極繁花時無美不備非他郡所及也

素心蠟梅

內外一色香倍他種名素心金蓮

芍藥

徐郡多植此花極為奇盛

紫草

出碭山

鶴 宋雲龍山人有放鶴亭

鷹

出蕭縣者良

倭鸞

一名角鴿善鳴能效百物聲

樟

兔

狐

鹿

獾

徐地土曠山多故多山獸

野鴨

羣飛蔽天聲如風雨

雉

郡邑多出

鱧魚

黃河中生

綿紬

出豐縣者為佳

花石

出東山五色成文竹木如繪

石炭

郡邑遍產

榕木

蒲菜

俱邳州出

羊棗

南瓜

出睢寧

觀音草

虎鬚草

宿遷為多

釜甑瓦器

邳州宿遷睢寧皆有

雁

鰕

蟹

猴

邳州宿遷睢寧皆出

灰鶴

天鵝

間有至者

太倉州

紅山藥

種自普陀來

西洋菜

二者俱出崇明

落花生

出嘉定子黃色者佳

金柑 出太倉

乾柑 出嘉定高橋鎮紋細味香如蘭

金桃 出嘉定之婁塘

藥斑布 州邑皆出

大布 闊一尺七八寸出寒山寺者佳

棉花 州邑裁之以資紡織又有一種名紫棉結實大如桃

雕竹器 出嘉定

雕玉器 出州內

絃子提琴 出州與嘉定

弓劍 出崇明

酒 有珍珠紅竹葉青十月白等名

海州

紫菜

州出

鱖魚

海蜆

州邑皆出

鹽

出板浦海門

薏苡仁

出贛榆

冬青

出秦山

五色蜀葵

木香

洋菊

五色薔薇

皆出贛榆

大小薊

亦出贛榆

紅鶴

贛榆時有至者

野鳬

州邑皆出

鯊魚

蛭 俱州出

南瓜 出沐陽

蘋果

州與沐陽皆出

白蒺藜

菊香

扁竹

皆出沐陽

對鰕

銀魚

鰕米

三者州邑皆出

鹿

獐

兔

三者州邑亦時有之

通州

靈芝

出州軍山

雪酒

州出

車墩 亦州出

玉鈎鰕 即小白鰕也出州內鮮美異常

蛭 出州內

桃乾 出泰興

櫻桃蜜套 出泰興

芙蓉汗衫 出州內

九葉芸香

形似小筍剥之如蕉俗稱囊荷用作蔬食可以解瘴相傳諸葛征五溪得之

苧布 出餘東

剪刀 出州內

篋 出如皋

鰾 出泰興如皋

硝 出泰興

麋皮 出如皋

安慶府

山葵

葉翠如雲正二月間浥露抽苗香甘異常土人美其名曰珊瑚菜懷桐太三縣俱出

木耳

一名蕨出太湖潛山

石耳

出天柱山中

黃精

太陽之草久服可仙出潛山

茯苓

出潛山

丹砂

出太湖司空石壁望若赤霞險峻取之甚難

長春藤

出太湖服之延年

青木香

一株五根一莖五枝一枝五葉葉間五節故又名五木香

栗米

一名小栗各邑皆產冬笋出潛山太湖

蘭

一幹一花香極幽遠

蕙

一幹十餘花出龍眠天柱者更佳

芽茶

出潛山

苦茶

可消暑疾出皖山

錦鷄

出潛山似雉而小文彩煥然

竹鷄

出潛望二邑

石猴

出望江

鵜鵠

出太湖

鷓鴣

出潛山

鷓鴣

懷寧望江時有至者而非常產

虎

豺

狼

鹿

麋

獐

狸

雉

狐

貉

安屬多山以上各種皆出

魚鮓

出懷寧

蜜

六邑皆有

白蠟

潛山出

龍鬚蓆

龍鬚草出龍山

竹簞

出潛山

木棉

郡邑皆出

柏油

郡邑皆出

漆

出潛山

笋

出潛太

紫草

穿山甲

俱出宿松

土紬

出桐城

布

出懷寧石排鎮家機者細厚而幅闊

漆碗

漆盃

其裏金黃外以黑漆酒器各種俱有出宿松城中

葛布

出桐城

秋丹

一名秋石補血生精出桐城

魚米柴炭

安屬魚米之鄉郡邑所產稱最

皂角

郡邑為多

徽州府

穀

新安宜私而不宜杭且多山少田米時取足於外方

茶

出松蘿山者最佳有雀舌蓮心金芽數種

紫霞茶

出歙縣紫霞山色香清幽如蘭新安家家製茶以此品為最

山藥

歙休二邑皆佳

笋

六邑皆產出問政山者尤佳

石耳 出黃山

黃精 亦以產黃山者為佳

白石英 新安所出細長白澈

黃連 產黃山

菖蒲

石生而細者良本草載所出之州七歛其一為大葉者為昌羊

白朮

歛產勝於浙以其白勝也

杉 出婺源祁門

三友柏 一樹而扁側翠兼焉

娑羅樹 在潛虬山

黃山松 堅細秀古根出石上異於他松

春桂 似桂而五出三月開

金縷梅 似蠟梅而瓣如縷春日開時翩跹欲舞

檠蠟 亦似蠟梅一苞四五朵其開也以春杪

海蜀花 生雲海春日遍崖谷紅色深淺相錯至鋪

旌節花 老藤上作花行行垂如旌節色淺碧黎州

璵珞花 色黃碧幽情澹冶清香雋永有垂柳之態

蒼桃 與桃無異但花趺先實耳

山櫻 木本竹葉初夏作花實如舍桃

紫雲花 花深紫日光下燭晶然凝望

石蘭 一莖一葉一花色紫生峭壁上

木蓮花 在慈光寺前高柯成圍蜜葉蔽日冬不彫
花肖白芙蓉惟房韻不類四五月間開香
聞數里山中無二本

疊雪花 花似剪雪中含一葫蘆九月開

玉鈴花 樹高大龍蔥夏月碧陰中白花串串有類
雕刻香色俱佳

香杜鵑 杜鵑處處有之此則高幹濃香迥異凡種

查蔔花

木有芒刺四月開小黃花如丁香其結實也如丹砂

覆杯花

攢生葉底空中下垂似鏤竹絲朱而成

仙都花

生仙都峯下古幹屈曲花一苞七八朵望之如芙蓉而特香綠心如拳三年一放放

則葉下披如相讓然

紫綺玉環

草花也頗肖二物

傲雲花

形色似木蓮自夏徂秋香不斷葉亦微馨怡公雲觴四圍皆此樹

鵝羣花

藤屬葉似菰蔣秋日著花宛然鵝也上諸花多產黃山以

銀絲麪

出祁門其細如銀縷絲故佳

羅漢松

在吳山寺

方竹

堅實可為杖

佛面竹

亦可為杖

硯

出龍尾山青色綠暈多金星者為上

五穀樹

在顏公山歲以所實占豐歉

綠螺

歙縣名品

墨

五代李昶及子廷珪造墨至宋歲以大龍鳳墨
千斤充貢仁宗宴廷臣於羣玉殿以李昶墨賜

之曰新安香墨其後賜翰林皆李廷珪雙脊龍樣
品尤佳墨譜稱之上者拈來輕嗅來馨磨來清今
失其傳近代製墨者以程君房方于魯為上吳去
塵次之今亦不可多得惟曹素功紫玉光稱最焉

蜜棗

出休歙

棗乾

出休歙

金豆

出發源

銅鎖

出嚴正街

漆器

休歙皆工

羅盤

歙邑稱最程宏宇汪永年二家造者尤精

定時羅

一名日晷紋理工緻本質端好惟程宏宇汪永年二家製者四方未有倫比

竹器

出休婺歙縣

螺蛳器

出休歙

虎

猴

鹿

兔

樟

山羊 徽郡多山故多出焉

寧國府

茶 宣涇寧太諸山皆產松蘿又太平龍門山產翠雲茶香味清芬又雅山茶宋梅詢有茶煮雅山雪滿甌之句今不可多得

紙 郡邑皆出宣寧二邑尤擅名

棗 有四種圓棗長棗甜棗羊棗

栗 郡邑山谷多栗栗熟比於穀熟公私賴之

雪梨 種類亦多而宣邑雪梨為最

花紅 產寧國實大味甘

櫻桃

一名含桃六邑皆產

芋

即蹲鴟也可備蔬

桃

桃有六種五月桃六月桃離核桃回回桃扁桃

薑

寧邑山鄉港口二十里內出薑熟如穀熟財貨所資也

白朮

產寧太山谷者佳

鬼箭羽

能除疫氣寧國山中為多

棉花

六邑皆出李商隱詩木棉花發鷓鴣飛蓋紀其時也

絲棉

苧麻

二者郡邑皆出

芝麻

周禮三農生九穀一曰麻蓋胡麻也

飯瓜

嘉靖中仙養心宦嚴州移種給鄉人每本結百枚入冬方姜味甘可代飯今產寧邑

蕨粉

苗可食根可為粉本草云根如紫草作菜食之味甘寧國多山蕨徧生焉

竹鷄

宣寧涇太諸山鄉皆有其鳴音似泥滑滑木中蛙聞之化為水

翡翠

大者曰山翠小者曰水翠俱巢水際

虎

黑熊

山羊

鹿

麂

兔

狐

雉

猴

獾猪

香狸

玉面狸

自虎而下以寧郡邑多山與徽郡山接壤故多出焉

杉

涇寧太三邑多

竹

有十數種郡邑資之為利

竹簟

出旌德

木瓜

出宣城能固氣調榮衛止霍亂轉筋宋楊萬里詩天下宣城花木瓜日華露露繡成花

何須埃子強呈界，句有瓊琚先報衙。

蘭 郡邑巖壑皆產香，最清遠。

鳳尾蕉 木本有合圍高數丈者。

玉荷

花似千瓣，梔子入夏始開，花香過於茉莉，可作食，亦巖州移種。

四季桂 四季開花，結子狀如蓮實。

琴魚

長不盈寸，龍髻果腹，三月三日出，餘日無。

幞魚

其小似琴魚，而無龍髻，味亦佳。

桐魚

桐花開時出，故名。

紬寧邑土紬最佳

扇宣城出

筆

宣州諸葛氏善製筆相傳有晉王羲之索筆帖

宣州石

出宣州其石質瑩白秀削可供几盆園亭佳玩四方珍之

蠟

炭

漆

石灰

以上四者郡邑皆出

池州府

黃粒稻

出九華山舊傳金地藏自新羅攜種至此種之粒肥色殷味尤香軟與凡稻異

珍珠菜

產石埭杉山暑月入饌蠅不集

元修菜 產貴池見東坡集

茶 有片茶仙芝嫩莖等名六邑皆出

金地茶 出九華山亦金地藏自西域攜來者

仙人掌茶 李白有贈玉泉仙人掌茶詩出九華山

茗地源茶 出九華山之閑園陰谷中春夏之間萌
芽始發故旗槍不大展亦不可多得

薑 本草乾薑以池州者為良貴池銅陵皆出

筍 池州產竹故筍稱最

菜豇粉 出東流粉異於他邑者以菊江之水為勝
耳

竹蓐

出九華山生竹根者味甘

棉花

六邑皆種之

紙

唐宋池州貴紙石林燕語曰宋學士制用白麻紙白麻者池州楮紙也

漆

出建德者良

桐油

柏油

郡邑皆產

雨傘

池郡造者輕而適用

扇

出青陽削竹為骨以柿汁塗紙糊之以泥金畫山水人物於上售之四方

千秋松

出九華山長二三寸葉類柏生絕巖取供盆玩可與黃山松匹

五釵松

出九華山每枝五花五股其實可食文理如一

仙人燭

木名產九華山榦似梧桐長尺許其液可燃

羅漢柜

出九華山榦高一二尺葉似側柏

仙掌扇

木名出九華山葉大如羽翠色青翠

木蓮花

出九華山類梔子苞先於葉其花與蓮無異自春開至八月始已

玉女幢

木名出九華山陰巖絕壁之上其木高一丈自成行列如幢節焉

羅漢條

產九華山木本如檜高數丈翠葉間垂心白色作結成條

菩薩線

產九華山如檜但枝葉長垂如線色翠香清

鉢囊花

木本高丈餘葉細而長色翠而澤花生葉上莢如黃葵出九華南臺

沙羅花

木本出九華其枝每生七葉九葉苞如人面花似牡丹色類拒霜香如菡萏

蘭

郡邑皆產

蕙

四月間始花

珍珠蘭

出貴池

淵明菊

出東流晉陶淵明遺種

九節菖蒲

出九華山中

龍鬚草

出九華山為蓆甚佳

紫貝天葵

貴池之西厓所產尤多

七葉一枝花 出九華山

黃精 產九華絕壁者為上品

何首烏 產九華山者良於他處

錦駝鳥 出貴池見李白秋浦歌

惜春鳥 出九華山

念佛鳥 出九華山狀如鴛黃褐翠羽作念佛聲

碧鷄 出九華山

雲韶部 即音聲鳥出九華山其鳴響互答如簫韶

蒼鹿

九華山中天柱峯下時有見者

羚羊

池郡山中皆有之

麥魚

出東流麥熟時臥虎潭一帶俱出其形似麥上至石人山瀨則形漸大過此則化青蜓飛去

香鯽

君魚

皆產貴池

嘉魚

銅魚

皆出九華

綠魚

出石埭暮春則見巨口細鱗

猿

貴池青陽石埭建德山谷中皆有之

木炭

郡邑皆產

太平府

黑小豆

出當塗可入藥有補益大豆則否

赤小豆

俗謂紅豆

萼菜

生水中即鳧葵花黃白子紫色莖細如釵股
味甜體軟和鯽魚作羹佳

荇絲菜

田家美味郡邑最多

菱芰

兩角為菱四角為芰生熟皆可食

珊瑚菜

亦名山花菜春月生采石山水邊清香有
別味

藕

黃池桐塘出者甘嫩無渣滓

槌子

樹高葉大似栗結實剝核可為念珠

芡實

一名水中丹入藥與金櫻子稱水陸二仙膏

金櫻子

一名山石榴叢生多刺花白類小薔薇子似榲桲而小色黃有刺收子熬膏治虛損

最良

五茄皮

叢生山谷田野莖黃赤春生苗葉俱高三四尺一苗五葉者佳每葉下生一刺開

白花結實如豆根若荆根皮黃輕脆芬香五月七月採莖十月採根陰乾用味辛溫微苦寒無毒入藥功為多

菖蒲

根有一寸九節或十二三節生石澗中名石菖蒲尤佳

烏昧草

宋范仲淹奉詔安撫江淮還以太平州貧民所食烏昧草進呈今無

松

白石山有六朝松十餘株橫望山亦多怪松倒懸石壁隱靜山有十里松徑乃杯渡禪者手種

駢竹

唐姑孰崔氏有駢竹之瑞觀察使崔準奏建寺名瑞竹今報恩光孝寺是也

穿山甲

出繁昌

鮐魚

出采石江中

鱖鯉

出大江

碧霄魚

出繁昌隱靜山碧霄泉中

竹鷄

出繁昌一名泥滑滑諺云家有竹鷄啼白蟻化為泥

子規

即杜鵑一名杜宇

鳧

鷓鴣

麋

兔 郡邑皆出

寒水石 出蕪湖荆山

膏風 出繁昌可以炊焰山煤之別種也

紙 繁昌紅花山出又土名高塢二處紙戶造紙

竹器 其類不一繁昌尤多 銅窰 出荻港

凍綠布 出繁昌迎薰門外有泉曰烏泥井以此水凍綠色倍鮮明他水不及也

銀硃 百益酒

履 俱出蕪湖

廬州府

萬壽紬

出合肥機房在萬壽寺左右故名

絹

出舒城

絲布

出廬江

何首烏

出合肥深山中者佳紅白二種

筍

郡邑皆出而舒城產者尤佳

竹筴

出舒城

栗

郡邑多產

梨

棗

杏

花紅

出合肥舒城無為

薏苡

出舒城

五加皮

無為州產者良

石斛

產合肥地理志唐時充貢

薑

出舒城

白蠟

郡邑皆產

鮓

舒城無為巢縣皆出

蜜

出舒城

漆

出合肥舒城無為諸邑

礬

出廬江

炭

柴

郡邑皆出

鮓魚

出廬江無為州

鳧

即野鴨也出巢縣

雉

郡邑為多

天鵝

鷓鴣

淘河

皆出巢湖

黃鴨

巢縣為多

虎

鹿

兔

獐

郡邑多山故山獸為多

玉面狸

出合肥者佳

青鶴

出廬江

畫眉

出廬江

鴛鴦

出巢縣

鶴

郡邑時有至者

竹鷄 一名山菌子 郡邑皆產

猴

野猪

出郡邑深山中

獾

獺

狐

郡邑皆出

鳳陽府

雲母石

出鳳陽雲母山方輿勝覽云彭祖取服之輕身延年貌澤不老

磬石

出靈璧磬石山可取編磬以供郊廟朝廷之用

黃芽菜

出鳳陽春初生味極甘滑

黃雀菜

出鳳陽樹而花生者

山藥

出鳳陽者甘膩

磨菇

亦以產鳳陽者為佳

百合

郡邑皆產

絲棉木

出懷遠

木棉

花中如鵝毳抽其緒可織為布郡邑皆出

芹菜

虹縣者長而無節

羊脂菜

羊城湖出

棗

郡邑皆出

園棗

出定遠

軟棗

出臨淮者佳

櫻桃

出鳳陽

沙果

出懷遠者味勝林檎

白玉瓜

出定遠

文官果

出虹縣者佳

首宿

郡邑皆產相傳種出大宛張騫帶入中國

蘋果

出宿州味清香

梨

郡邑皆佳以鳳屬近北地也

木瓜

出臨淮者佳霜後取之香幽而耐久

黃金嵌碧玉竹

碧玉嵌黃金竹

皆以產臨淮者為佳

天竹

郡邑皆產叢生朱實相傳躡百者可禦火災

箬竹

出定遠

虞美人草

出虹縣虞姬墓無風自舞

石斛

出壽州

艾

郡邑皆產壽州者佳

千葉榴

牡丹

乳餅

白蠟

俱出臨淮

葛根

出鳳陽

桔梗

遠志

俱出定遠

花椒

杏仁

郡邑皆產

老鸛草

郡邑皆出熬膏酒服大補天元出宿州者更良

石菖蒲

出定遠者佳

鶴地僻山多時有見者

雉

鳧

獐

鹿

兔

郡邑皆產

芝麻

郡邑皆出

高粱

郡邑皆種與稻麥等

麻油

郡邑皆產

硝

出虹縣

絲絹

出臨淮

潁州府

梗稻

出阜陽南遠鄉

芝麻

郡邑通產

倒鈎台

味甘滑阜陽蔬佳品

沙果

出阜陽

棗

栗

阜陽近北二者所出為多毫亦多產

胡桃

郡邑皆出毫產為佳

柿

阜陽出肥大而味甘毫出亦然

葡萄

有二種白者號水晶葡萄味愈佳

軟棗

郡邑通產

蘋婆果 郡邑皆產香清味爽

梨 郡邑皆出毫產者實大味爽

蘑菇 毫產者最美好 山藥 毫土所產堅膩味腴

芋 土人多種之熟與穀等毫地宜蹲鴟種者尤多

文官果 亳州太和蒙城俱產

瓜子 毫產者子大

玉蘭 木高丈餘花白色春時芬芳異常

芍藥 重臺茂密芳香不散以毫出者甲於四方

牡丹

紅白各種重臺爛熳如錦毫地所出尤天下馳名然亦有來自豫省者

桂

有黃紅二種黃色者香愈熾

芡實

毫太蒙皆有

白扁豆

郡邑通產服之補益

地黃

阜陽產者與懷慶相埒

枸杞

苗根果皆可服郡邑通產

酸棗仁

郡邑通產服之養心寧神

石斛

毫產為良

百合

毫產者佳

花椒

亳州太和蒙城皆產

虎皮鵲

阜陽出

鶴

錦鷄

郡邑多山谷故二者時有

野鴨

阜陽為多

野雉

郡邑通出

鴛鴦

潁上霍邱出

翡翠

阜陽常有之

獐

鹿

亳州太和蒙城多產

驢

毫產者良

蟹

蝦

阜陽多出

麥麴

潁上者良

香油 郡邑皆產

白蠟

黃蠟 二者毫太蒙多出

靛 毫太蒙通產

木棉

泉麻 二者毫產為多四方取給焉

紅花 郡邑皆產

絲 郡邑皆出土人用織為絹

滁州

芝麻 有黑白二種黑者即胡麻也久服可以延年

貢麪

勻細筋潤全椒出

菱

滁水產者佳

芡實

州邑通產可以備饑

藕

以州出者為佳

琵琶菜

芥之屬也出來安

甜瓜

州邑通產有綠有黃有花斑香而小者佳黃如金大如鵝子者名金瓜

山藥

堅實味美州邑通產

梨

滁全者佳

櫻桃

州邑通產

花紅

滁地者佳

牡丹

芍藥

二者州邑皆出

黃精

州邑山多故多出

蒼朮

州邑通產

紫蘇

州出

木瓜

全椒出者色香耐久

九節菖蒲

稀薺

二者州邑皆產

山查

來全皆產

缺鯽

舊出城濠河今不多見

野鴨

州邑皆出

獐

鹿

狼

兔

以上四者州邑多山故常有之

苧麻

州邑皆出

油

州邑皆出

炭

州邑皆出山地多木故也

酒

滁來特產以釀法佳也

絲

州邑皆出不如蘇杭之多

和州

芝麻

州邑皆有黑白二種黑者為勝

五茄皮

州產為佳

黃精

一枝單長形似竹葉相對而生太陽之草也服之可以延年葉後有刺者名鉤吻不可服

棉

州邑皆產

半夏

州通產以畝下者為上

紅花

含山多產

梨

出含山

栗

州邑皆產

木芙蓉

出含山

百合

州邑皆產花有紅白二種根如胡蒜小瓣多層蒸熟補中益氣

牡丹

含山產有水紅千葉重臺

蘭

州邑山谷中多有之氣清遠怡人

蓼花糖

州邑多以芋和糖為之用相餽遺

燭

州出堅點細心

酒

出含山名含酒

苧麻

州邑通產

茶

早取曰茶晚取曰茗惟蒼山宜之

鮓

出大江州濱江故夏初多出焉

鹿

州產

麋

州邑通產

天鵝

州渚間時有至者

煤炭

州邑通產

廣德州

芽茶

出建平鵝山者色味香美

白苧

州多苧布

粟

州邑通產可以代糧

梨

州邑皆出然終不如北土者之味爽

木耳

州邑通產

銀魚

出建平者細白鮮美

桐油

州產桐有週歲結子者故多出焉

漆

舊出建平今不多產

絲

舊出建平今亦不產

玉面狸

此小獸也州邑多出四方以為珍味

六安州

茶

州及英霍二邑並產名茶而霍邑為多

蕨粉

州邑通產可以備荒療饑

椶櫚葉大如蕉青舊可愛
椶州邑通產可供材用

槲其皮可以造紙其材可為器用

實竹外強中堅與常竹異

桂

即山木犀也種類亦多惟黃者金粟燦爛香氣襲人衣裾

蘭春季滿山花發幽香被體

柿實大味甘土人用以為餅

棗
栗州邑所產二者尤多

胡桃
六地土厚多山岡故山果為宜

櫻桃

州邑皆出

林檎

州地產

天鵝

淘河

鵓鵲

錦鷄

青鶴

賀鷄

竹鷄

黃鴨

翡翠

畫眉

雉

以上山禽十一種皆有文彩為羽屬之特異者
州邑皆產

熊

州邑多山間有見者

虎

州邑多出

獐

鹿

兔

玉面狸

以上四者州邑山獸之常見者也

山牛

不常見者六安山中時有之

獾猪

身有獾矢可以射人其肉香異野豕

麝

鹿之別種香在臍下

狐

六安山中出

猿

猴

州邑山中常有之

獾

州邑皆有

山紬

州邑通產

蠶絲之所出州邑皆有

竹簞州邑通產

白蠟州邑通產

黃蠟六安英霍皆產

苧麻土人多種之

紙州邑造者多

桐油

紅花二者州邑皆出

酒六安出

木蜜六安山中為多

山藥六安出者細膩味美
九節菖蒲六安山中出

黃精太陽之草也六安山中多產之然葉下有刺者非黃精

五茄皮六安山出者其味為厚

木瓜 芳香兼有順氣之功

枸杞 生六安山中者久能變化為仙杞

薏苡仁 能補中州邑人多種之

黃芪 產六安山中者佳

何首烏 有紅白二種亦曰雌雄二種生六安山中
年久而大者佳 藥之屬州邑所出者不

下百餘種茲特錄數種以其有補益功人多珍重
故也

泗州

都梁香

即澤蘭草出盱眙都梁山故名古詩博山
爐中百合香鬱金蘇合與都梁

銀精石

亦產盱眙

梨

五河者佳

魚

其類甚多與他處同然惟泗稱蓂庶五方商賈
菜之以貿利咸以為淮魚味美人爭嗜之秋冬

之間諸客畢集於州中

銀魚

鰕米

二者盱眙五河多出

鶴州邑多山澤時有至者

雉

州邑皆出

野鳧泗州天長為多

獐

兔五河為多

鵲

出天長

何首烏

出五河

遠志

他處皆有方書以泗州產者為勝

蕪荻草

泗地皆出以療疾功多人爭重之

半邊蓮

盱眙出者良

青木香

產五河者佳

芍藥

牡丹

俱產五河

青芹

出天長他處所產皆中虛長邑出者中堅實而有味

乳餅

乳酥

俱出天長盱眙

甘露餅

出天長之龍岡鎮

江南通志卷八十六